



## Future-proofing our children

Sikolo sa la Sunda: 1

Toho ya Tuto

Moya, Lifasi ni Mezi

# Buka ya Bashemi

## Sikolo sa la Sunda sa mwa malapa



## Balatiwa Bashemi

Mwa amuhelwa kwa tuto ya sikolo sala sunda 1, yeli: **“Moya, Lifasi ni Mezi”** Pampili ye imifa liseli-nyana kamo mukona ku lutela tuto ye.

### Mo mukona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

| Muhato | Sa kueza                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |
|--------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.     | Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: <a href="https://bit.ly/3NACSSHS">https://bit.ly/3NACSSHS</a>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |
| 2.     | <p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> <li>• Bibebe</li> <li>• Mapampili a lukisizwe kale a tuto ye.</li> <li>• Buka mwa sebeleza mwanana, lipotoloto ni lipendiso za banana, ni zeñwi cwalo.</li> <li>• Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala)</li> <li>• Katekisema ni buka ya lipuzo ni likalabo (Kwa banana ba bali mwa litopa za Tiisezo)</li> </ul> <p><b>Mamela:</b></p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto za Bibebe ni Tiisezo)</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p> |
| 3.     | Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
| 4.     | <p>Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana.</p> <p><b>Ka mutala:</b> Mu ine fa lishasha/ fa museme kapa fa lipula ku potoha tafule</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
| 5.     | <p>Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana.</p> <p><b>Ka mutala:</b> Mu ine fa lishasha/ fa museme kapa fa lipula ku potoha tafule</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
| 6.     | Mu iñolele tu ñusanyana twa butokwa to mubata ku hupula ha mufa tuto.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |



## Mufe tuto ya Sikolo sa la Sunda 1, mwa malapa

### Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

| Muhato | Sa Kueza                                                                                                            |
|--------|---------------------------------------------------------------------------------------------------------------------|
| 7.     | Mu utwisise butokwa bwa tuto, yeo mwanana a swanezi ku mamela ni ku sa libala.                                      |
| 8.     | Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela. |
| 9.     | Mu supeze mwana mina video, mi muketele butokwa mwa tuto ye.                                                        |
| 10.    | Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.                 |
| 11.    | Mu lapele kapa mu kupe mwanana kuli a lapele kaku kwala tuto.                                                       |

### Lisebeliso ze fumanaha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.





# Tuto

|                                 |                                                                                                                                                                        |
|---------------------------------|------------------------------------------------------------------------------------------------------------------------------------------------------------------------|
| <b>Toho ya tuto</b>             | Moya, Lifasi ni Mezi                                                                                                                                                   |
| <b>Timana ya Bibebe</b>         | Genese 1: 1-19                                                                                                                                                         |
| <b>Mutomo/ butokwa bwa tuto</b> | Banana ba ituta ku lata pupo yende ya Mulimu ni ku lemuha kuli, bipilo kaufela bu itingetile fa lika ze swana inge (moya, lifasi ni mezi) ili ze ne bupilwe ki Mulimu. |

## Tuto ye kusufalizwe:

- Kacenu ni bata ku sebelisa muhupulo/munahano wa hao.
- U hupule kuli u sweli ku bapala mwa simu. U patehile ku eza lifasi la hao.
- U lobaka lipalisa ni mitayi ku beya/pumbeka mwa mubu. U sebelisa sileze/mubu o kolobile ku bupa lilundu ni ku eza nzila mwa hala lilundu leo. Ha se u felize, u yepa nuka ni ku beya mezi mwa teni.
- Cwale wa u sutelela mwa mulaho, ku yema ni ku buha lifasi le linde lo bupile le.
- Kono cwale kuna ni se simwi se si tondahala/ se si siyo. U tokwa lizazi, kweli ni linaledi, kono cwale! Ze uka li eza cwañi?
- Cwale u hupula ka za tuto ye felile yo no itutile, foo no itutile ka za liseli lana bupile Mulimu.
- U tabile ahulu ha u matela kwa ndu ya balikani ba hao. U bata kuli ba tahe ba to bona lifasi lo bupile leo.
- U kala ku ba bulelela: "Ha mutahe mu to bona, Ni ikezelize lifasi na muñi!, ki lelinde luli!, ni ezize malundu, nuka mane cwalo ni lipalisa ni likota mwa teni".
- Kono, Oh Mulatiwa! Wena ni balikani ba hao ha mu to fita kwa simu, u bata ku kulila ha uto bona matali ni lipalisa ze letukile.
- Mane ni nuka ya hao ni yona i omile. Lizazi le li cisa li sinyize lika kaufela.
- Nako yeo hau lika ku beya mezi hape mwa nuka ya hao, mezi a hasanya ni ku sinya malundi ni tu nzila to no ezize. U iktwa kusa taba luli.

## Tuto ye italusa sika mañi ku luna kacenu?

- Ha lu koni ku yaha/eza lifasi luna lu nosi.
- Lika kaufela ze ba yaha/eza batu (limotikala, miyaho ni mitano ye mituna) li ka sinyeha zazi le limwi.
- **Haisi lika za bupile Mulimu kona ze ka inelela ku ya kuile.**



- Mulimu na bupile lika ze cwale ka moya, lifasi ni mezi, mi lika ze hali siyo lika kaufela ze pila za shwa, mane ni luna cwalo.
- Taba/ makande a mande ki a kuli, lu kona ku yaha lika ze nca ka ku sebelisa za bupile Mulimu.
- Mulimu na bupilo litoze, u kona ku li cala mwa mubu kuli li kufe limela zende.
- Moya wa na bupile Mulimu u taza maswafu a hao hau buyela kamba hau nga mufumbo. Ki wona moya o swana, woo licalano li tokwa kuli li hule.
- Litoze za hao ni zona li tokwa mezi a mañata ku li libe ni mibisi ye tiile, sina mo utokwela mubili wa hao mezi kuli u be ni makete. Mulimu u bupile/ezize mezi ka mikwa ye shelana-shelana.
- Mulimu u bupile lifasi ni liwate ili kuli ze pila li kone kuba ni sibaka sa ku pila teni. Lifasi ni liwate hape mane lifa lico kwa batu ni lifolofolo.
- Ha ku sina moya ni mezi, lipiwa ze pila kaufela za shwa.
- Lu kona feela ku babalela zeo za lu file Mulimu, mi ha lu swaneli ku libala ni ka muta kuli Mulimi ki yena mubupi wa lika kaufela.
- Ki taba ye tabisa ahulu ku hupula ni ku ziba kuli lu kona ku sebelisa lika za bupile Mulimu ku cala masimu a luna a mande.

## Lipuzo zemwi ze lu kona ku buza

1. **Ne ku ezahezi sika mañi mwa mazazi a pili a mane a pupo?**  
**Kalabo:** Tuto ya pili (1)
2. **Mezi a fumaneha fa lifasi ka mikwa ye shelana shelana. U fe mitala ye minyani?**  
**Kalabo:** Malotoli, puka, pula,

## Tapelo ya Bo Ndate ni Boma ye fiwa pili tuto isi ka tateka:

*Mulimu ya lateha. Lwa itumela kwa lizazi la kachenu*

*Fuyola bashemi ni banana ba luna*

*Tusa kuli lukone ku lemuha ku bateni kwa Hao*

*Fuyola tuto ye lu taba ni yona*

*Lwa kupa, ulu lute mo lu swanela kuku sebeleza*

*Mi ulutuse ku eza tato ya Hao*

*Kuli lu hule mwa kuba bukaufi ni wena*

*Luma Jesu ato lunga*

*Mi ulutuse kuba baba itukiselize ku mukatanyeza*

*Amen*